

Sakspapir

Sakshandsamar	Arkiv	ArkivsakID
Frank Kvinge	FE-223, FA-C10	19/539

Saknr	Utval	Type	Dato
060/2019	Formannskapet	PS	10.09.2019
	Kommunestyret	PS	

Søknad om ekstraløyving til barne- og ungdomsarbeidarar i kyrkja

Rådmannen sitt framlegg til vedtak:

Med tilvising til merknadane i saksutgreiinga kan ikkje Masfjorden kommune imøtekoma søknaden frå MKF om tilleggsløyving til barne- og ungdomsarbeidarar.

Saksopplysningar:

Bakgrunn

Masfjorden kyrkjeleg fellesråd søker i brev dat 22.mai 2019 om kommunal ekstraløyving til å dekke kostnader ved innleiging av barne- og ungdomsarbeidarar i 2019 og i åra framover.

I søknaden står det: « *Sidan tilskotet frå Masfjorden kommune til MKF har vorte sterkt redusert dei siste åra måtte MKF ta grep for å kutte kostnader. Eit av desse tiltaka var å sei opp avtalen om leige av barne- og ungdomsarbeidarar frå Nordhordland Indremisjon. Desse har kosta MKF 10 565 kvar månad eller 126 950 kvart år*».

Kontrakten vart sagt opp 1.mai 2019.

MKF meiner dette er eit verdifullt tilbod til barn og ungdom og ynskjer at arbeidet må halda fram.

Det er stor deltaking på både yngres, tenklubbar og 5- pluss.

Barne- og ungdomsarbeidarane er svært motiverte for å halda fram i jobben.

Det vert søkt om tilleggsløyving kr 74000 for 2019 og at det frå 2020 vert plussa på kr 127 000 på tilskotet frå Masfjorden kommune til MKF.

Fakta/vurdering

Masfjorden kommune ser verdien av arbeidet som vert gjort av barne- og ungdomsarbeidarane i yngres, tenklubbar og 5- pluss.

Rådmannen viser til at både yngres, tenklubb og 5-pluss er barne- og ungdomslag som kvart år søker og får tildelt kulturmidlar frå kommunen, til liks med kring 30 andre lag.

Dei andre barne- og ungdomslaga har i dag leiarar som gjer arbeidet på dugnad. Nokre lag kjøper instruktørtenester gjennom kommunen til ca 300 kr pr time. Laga arbeider for å skaffa inntekter, og fleire av dei har høge deltakaravgifter.

Vert søknaden innvilga kan kommunen rekna med å få tilsvarande søknader frå andre barne- og ungdomslag.

Konklusjon

Med tilvising til merknadane ovanfor kan ikkje Masfjorden kommune imøtekoma søknaden frå MKF om tilleggsløyving til barne- og ungdomsarbeidarar for 2019, og auka ramma med kr 127 000 gjeldande frå 2020.

Tiltak må finansierast innan tildelt ramme.

Formannskapet - 060/2019

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Med tilvising til merknadane i saksutgreiinga kan ikkje Masfjorden kommune imøtekoma søknaden frå MKF om tilleggsløyving til barne- og ungdomsarbeidarar.